



Broj: 01-05-26035/16
Sarajevo, 07.10.2016. godine

KANTON SARAJEVO
SKUPŠTINA KANTONA SARAJEVO
- OVDJE -

PREDMET: Izjašnjenje na zastupničku inicijativu zastupnika Semira Halilovića, dostavlja se

Zastupnik Semir Halilović je na 19. Radnoj sjednici Skupštine Kantona Sarajevo, održanoj dana 07.09.2016. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo sljedeću zastupničku inicijativu:

„Pokrećem inicijativu kod Ministarstva za boračka pitanja Kantona Sarajevo da naprave idejno rješenje i izvedbeni projekat, ukoliko je moguće za ovu ili eventualno narednu godinu, spomenika svim pripadnicima Armije Republike BiH koji su na ljeto 1993. godine na Igmanu zaustavili agresorsku ofanzivu“.

Na pokrenutu zastupničku inicijativu dajemo sljedeće

I Z J A Š N J E N J E

Ministarstvo za boračka pitanja Kantona Sarajevo je po ranije pokrenutoj zastupničkoj inicijativi zastupnika Semira Halilovića, a koja se odnosila na pitanje izgradnje Spomen obilježja svim pripadnicima Armije RBiH na lokaciji Malog polja – Igman, svojim aktom broj 06-14-sl/16 od 19.02.2016. godine, dalo Saglasnost Fondu Memorijala Kantona Sarajevo da u saradnji sa Općinom Hadžići i drugim relevantnim institucijama, pokrene proceduru rješavanja imovinsko-pravnih odnosa, izrade idejnog rješenja, te dobijanja potrebne urbanističko-tehničke dokumentacije, a u cilju izgradnje prikladnog Spomen obilježja svim pripadnicima Armije RBiH na lokaciji Malog polja - Igman, koji bi podsjećao na strateški važnu bitku jula-augusta 1993. godine, kada su se hrabri branioi suspostavili tehnički nadmoćnijem agresoru, te odbranili ovu planinu, grad Sarajevo i državu Bosnu i Hercegovinu.

Po gore navedenoj Saglasnosti, Ministarstvo za boračka pitanja Kantona Sarajevo je svojim aktom broj: 06-14-sl-/16 od 22.09.2016. godine zatražilo od Fonda Memorijala da dostavi povratnu informaciju o poduzetim aktivnostima na realizaciji izgradnje spomen obilježja na Igmanu (Malo polje). Dana 30.09.2016. godine, Fond Memorijala Kantona Sarajevo nas je svojim aktom broj: 13-23-106/16 obavjestio da nisu pokrenuli proceduru za izgradnju navedenog spomen obilježja. Navode da je Plan i program rada Fonda memorijala za 2016. godinu napravljen prije nego je saglasnost za





pokretanje procedure izgradnje spomen obilježja na Igmanu, odnosno Malom Polju, stigla na adresu Fonda Memorijala, i isti je usvojen od strane Skupštine Kantona Sarajevo, te da su svi projekti, koji su planirani za realizaciju u 2016. godini, usklađeni sa odobrenim budžetom Vlade Kantona Sarajevo, za ovu godinu. Shodno tome, nisu imali finansijske mogućnosti naknadno uvrstiti ovaj projekat u Plan i program rada za 2016. godinu, kao i u Plan javnih nabavki, koji je također urađen i objavljen na stranici, tako da nisu bili u mogućnosti planirati izgradnju navedenog spomen obilježja u 2016. godini.

Također nas obavještavaju da će izgradnju ovog spomen obilježja uvrstiti u Plan i program rada Fonda memorijala za 2017. godinu, kao i u Plan javnih nabavki, te da će započeti sve neophodne aktivnosti na izgradnji istog, u što kraćem vremenskom periodu nakon usvajanja ovih dokumenata.

Imajući u vidu gore navedeno, Ministarstvo za boračka pitanja Kantona Sarajevo je u dosadašnjem radu iznalazilo načine, a i u buduću će to činiti, da podrži i pomogne izgradnju spomen obilježja svim poginulim borcima-braniteljima Bosne i Hercegovine, zaslužnim za odbranu Grada Sarajeva i države Bosne i Hercegovine, a u skladu sa raspoloživim finansijskim sredstvima.

S poštovanjem,

Obradila: Mališević Nasiha 

Kontrolisao: Osman Smajlović 




MINISTAR
Mr. Muharem Fišo

Dostaviti:

- Predsjedateljici Skupštine Kantona Sarajevo,
- Stručnoj službi Vlade Kantona Sarajevo,
- evidencija,
- a/a.

